



Selasa, 19 Juli 2022

Ogen: Kuan-kuanen 14:1-3



Ngit Ngaloken Pedah



Mekatep si kataken " *dibalik kebarhasilan suami, anak atau keluarga ada perempuan yang tangguh.*" La terjeng sibegi rusu, api kepeken pustaka enggo lebe nuriken si enda. Mbelin kel ngaruh ndehara nandangi kiniulin jabu e. Jabu e mehuli jadi arah kepentaren diberu (ndehara): pengaturkenna, pengeranana ras sidebanna. Ndehara si pentar (cerdik) erbahanca jabu pentar. Kepentaren e teridah arah: erkemalangen man Dibata dengen melasken ranan si maba kinijuah-juahen. Petembil kel ras kalak si lenge (motu); igombangina Dibata janah ipejang-jangna bana arah mbue ngerana. Mbue ngerana erbahanca lanai teralakokenna pengajaren si isehken sabap beluhen akapna ia.

Moria e kap nande tengah jabu, diberu si isuruh Dibata jadi penampat (penolong) jabu. Bas jabu melala si man sampaten, bas ngaturken jabu, ngaturken perbulangen bage pe ngaturken anak. Kerina enda bagin tugas si la banci ipesirangken bas diri Moria nari. E maka mekatep sikataken tugas ndehara e erdahin i bas kerina wari-wari. La lit kata cuti janah banci jadi mekatep pe lembur bas ndahiken dahin jabu alu tujun segelah jabu e mehuli. Erkiteken si e perlu kel Moria tetap erkemalangen man Dibata. Sabap i je me dat kita gegeh si mabai kita pentar ras terbeluh bas ngaturken jabu. Ngasup ngidah maka e sada dahin si mulia kap seh maka i bas latih siakap ngaturken kerinana la mabai ranan jungut-jungut entah ranan-ranan si la mbagun kegeluhen se isi jabu. Latih erdahin tapi tetap ngasup nehken ranan si maba kemalemen ate.

Nande megegeh adi tetap rembak ras Dibata. Tetap mesikel jumpa ras Dibata arah ngoge kataNa, ngukurisa dengen ndalankenca suari ras berngi. Tek kita jabuta e mehuli bekas penjujuri dengen pembabai Dibata sabap kita nggit iajari ngingen ngaloken pendah si rehna bas Tuhan nari.

Kepentaren Dibata maba kiniulin



Blank writing area with a wavy top edge.